



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Enchiridion Sev Manuale Episcoporum Pro Decretis in  
Visitatione, & Synodo, de quacumque re condendis.**

**Gavanti, Bartolommeo**

**Venetiis, 1650**

Regularium virorum monasteria.

**urn:nbn:de:hbz:466:1-9534**

Sunt laicales, aut ex mera deuotione auctoritate Episcopi instituta. *Barbos. de iure Eccl. l. 3. cap. 19. nu. 18.*

- 3 Quarta funeralis Episcopi non potest locari. *Congr. Episc. 14. Dec. 1592.*
- 4 Parocho debetur, seu etiam sacerdoti animarum curam exercenti. *DD. cum Barbos. loc. cit. cap. 24. num. 19. 21.*
- 5 Illius nimirum Ecclesiae, in qua Parochianus solet recipere Sacramenta casu quo alibi audiret diuina. *ibi. n. 24.*
- 6 In casu dubio: An debeat Episcopo, vel Parocho, praefertur Parochus ex causa onerosa, Episcopus ex causa lucratiua. *ibi. n. 25.*
- 7 Etiam si Parochianus moriatur ob bellum, pestem in villa dummodo in Parochia domicilium habeat. *ibi. n. 26.*
- 8 Etiam quando aegrotus mutat Parochia. *ibi. nu. 27.*
- 9 Vel aegrotus cum bonis suis ad Religionem se transfert, pendente anno probationis, si in eo moriatur. *ibi. n. 28.*
- 10 Postridie, quam sepultum est cadaver, cum caereis &c. fiat solemnis Missa cum maiori quantitate caereorum, de his quoque quarta pars debetur Parocho. *Congr. Ep. auditis partib. 3. Aug. 1621.*
- 11 De candelis, quas fratres, & alii praebiteri in funeribus gestare solent in manibus, non datur quarta Parocho, sed sunt gestantium. *DD. apud Barb. loc. cit. nu. 39. in seqq. plura habes de hac materia.*

Referendarij.

V. Exempti. nu. 5. Functiones Episcopales. nu. 24. Precedentia. nu. 21.

ADDITIO.

- 1 Possunt celebrare, & facere celebrare circa auroram, & in locis interdictione Ecclesiastica suppositis. *Sixtus V. 10. kalen. Octo. 1586. §. 11.*
- 2 Cedunt locum Auditori confidentiarum. *Congr. Rit. 6. Decemb. 1621.*

Regularium virorum monasteria.

- 1 Non possunt erigi noua monasteria, nisi vocatis aliorum monasteriorum *Barth. Ganant.*

Prioribus, & cognita causa, an sine aliorum damno ea erigi possint. *Greg. XV. An. 1621. \* Urb. VIII. An. 1625. \**

- 2 Vocatis etiam Prioribus Conuentuum per quatuor millia distantium. *Gregor. XV. ibid.*
- 3 Nec nisi possint habitare, & sustentari duodecim. *Idem locis citatis.*
- 4 Vel constiterit Ordinario, totidem ibi sustentari posse. *Gregor. XV. ibid.*
- 5 Si nulli sint ibi Regulares, accedat consensus incolatum loci. *idem. ibid.*
- 6 Si detur appellatio, nihil interea innovetur. *idem. ibid.*
- 7 Reuocatae sunt licentiae omnes profundandis locis Regularium. *Vrbano VIII. Anno 1624.*
- 8 Et qui praetextu licentiarum reuocatarum sine licentia Ordinarij, & non seruata forma *Gregor. XV. praedicta fundarunt, poenam incurrunt priuationis vocis, officiorum, inhabilitatis, & ipso facto excommunicationis. idem. ibid.*
- 9 Non possunt edificari Ecclesiae Regularium in loco non exempto, sine consensu Ordinarii loci. *Barb. all. 26. a. n. 3.*
- 10 Monasterium, in quo nondum positus est religiosorum conuentus, sed solum nonnulli religiosi deputati fabricae, non est obligatum clausurae. *decisum referunt DD. locis citatis. n. 15.*
- 11 Item videtur dici posse de iis domibus, in quibus non viuunt in forma conuentus, nec ibi est ecclesia cum Eucharistia, nisi alias subiectae fuerint clausurae. *Bonac. loc. cit. num. 5.*
- 12 Si de claustrorum finibus est dubitatio, per loci Ordinarium, & superiores Regularum explicetur. *Prou. 4.*
- 13 Sacristia comprehenditur sub claustrum. *Congr. Episc. 18. Aprilis 1605. referatur etiam a Cortiolano de casibus refer. par. 2. casu 3. quest. 4. num. 31. Negat Bonac. quando immediate ab ecclesia in sacristiam iitur. de claus. quest. 5. puncti 1. num. 4. affi. mat Sanchez in op. mor. l. 6. cap. 17. num. 17.*
- 14 Hortus, vindaria, vineae, quae monasterijs Regularium continenter sunt adiuncta, vt ad ea a monasterijs aditus sit, nulla via, locou publico interiecto claustrorum finibus comprehenduntur. *Prou. 4.*

- 15 Infirmitate, seu domus deputata ad recipiendos infirmos, vel religiosos vt hospites, non obstringuntur claustrata. decisum refert Sanchez *l. cit. nu. 19.* & Sorbus *v. Ingressi. nu. 11.*
- 16 Non possunt ingredi mulieres, nisi ad ea claustra, in quibus Missæ, officia, & processiones fieri solent. Pius V. Anno 1566.
- 17 Sub pœna excommunicationis Papæ reservata. Idem *ibid.*
- 18 Et regularibus admittentibus fœminas imponitur pœna suspensionis à diuinis ipso facto, priuationis officiorum, inhabilitatisque ad illa. idem *ibid.*
- 19 Quorannis semel hoc decretum, & sapius arbitrio Episcopi publicetur. Prou. 3.  
*v. Immunitas Ecclesiast. num. 6.*

*Regularium iura sub Episcopis.*

- 1 Ante professionem nulla renunciatio valet, nisi cum licentia Episcopi, seu Vicarij. Trident. *sess. 25. cap. 16. de Regular.*
- 2 Potest Episcopus declarare nullam esse professionem factam ante annum ætatis 16. decisum referunt DD. apud Barbof. *alleg. 101. nu. 1.*
- 3 Et iudicare de nullitate professionis ob alias causas intra quinquennium à professione emissa, vna cum superiore professi. Trid. *loco cit. cap. 19.*
- 4 Hoc est, coram Episcopo loci, & Superiore monasterij, in quo facta est professio, deducendæ sunt causæ nullitatis. decisum refert Barb. *alleg. 104. n. 12.*
- 5 Superior non potest solus sine Ordinario eicere professum, ob nullitatem professionis. decisum anno 1618. refert Rice. *in praxi resolut. 20.*
- 6 Potest Episcopus compellere per cœsuras, vt restituantur nouitio discedenti omnia, quæ attulerat. Trident. *loc. cit. cap. 16.*
- 7 Episcopus subduntur ij, qui neque Capitulis Generalibus, neque congregantur ad præscriptum Concil. Trid. neque à Metropolitano conuocantur, neque habent Ordinarios visitatores. Vide Trid. *loc. cit. cap. 8.*
- 8 Vbi non habitant duodecim in domibus fundatis post decretum Urban. VIII. ij subduntur omnimodæ iurisdictioni Episc. Urb. VIII. Anno 1625. \*
- 9 Et valet hoc decretum etiam extra Italiam. Idem Anno 1626. \*
- 10 Subduntur & ij, quibus imminet animatum cura personarum secularium, in ijs, quæ ad eandem curam pertinent. Trid. *loco cit. cap. 1.*
- 11 Neque ibi deputari possunt Curati, quam a mouibiles, nisi de consensu Episcopi, & præuio examine. idem *ibid.*
- 12 Exceptis monasterijs, in quibus habitant Capita Ordinum, vel Generales, vel Abbates, aut alij habentes iurisdictionem Episcopalem, & temporalem in Parochos, & Parochianos. idem *ibid.*
- 13 Subduntur item Episcopis loca, & personæ Militiæ S. Io. Hierosolym. in ijs tantum, quæ concernunt curam animarum, & Sacramentorum administrationem. Greg. XIII. An. 1584.
- 14 At respectu dictorum Militum visitationes, consecrationes, & benedictiones fiant gratis ab Episcopis, absque impensa, & onere. Pius V. An. 1571.
- 15 In Sacramentorum qualibet administratione omnimodè subiiciuntur Episcopis, vt delegatis Sedis Apost. Greg. XV. Anno 1622. \*
- 16 Non tamè possunt prescribere Regularibus, vt certis tantum in locis, temporibus, & personis ministrent Sacramentum Penitentiae, vel restringere eorundem priuilegia in ministerio Sacramentorum. idem in Declarat. Anno 1623. \*
- 17 Neq; prædicta exequi possunt in personas Regulares particulares. idem *ibid.*
- 18 Atqui hæc facultas Episcopis concessa non competit inferioribus Prælatibus habentibus quasi Episcopalem iurisdictionem. *ibid.*
- 19 Debent Episcopi approbare causam, quæ debet esse publica, exponendi à Regularibus Sanctissimam Eucharistiam. Congr. Episc. 27. Maii 1603.
- 20 Non autem causam priuatam, dummodo è tabernaculo non extrahatur Eucharistia, & velata remaneat, ita vt nec Hostia videatur. ead. *ibid.*
- 21 Possunt Regulares habere apud se pro suorum vtu, oleum infirmorum ead. 20. Febr. 1601.